



UNIVERSITÄTS-  
BIBLIOTHEK  
PADERBORN

**Cogitationes, Sive Considerationes Christianae Pro  
singulis Anni diebus**

Complectens Octobrem, Novembrem, Decembrem

**Nepveu, François**

**Monachii, 1709**

Dies 19. De lumine gratiæ.

---

[urn:nbn:de:hbz:466:1-60533](#)

**December.**

*Eis tibi legem has regulas observandi in tuis  
Communionibus, idque juxta prudentis direc-  
toris dictum.*

Panem nostrum quotidianum da nobis  
hodie. *Luc. 11. 3.*

Si quotidianus est, cur sumis post an-  
num? accipe quotidie, quod tibi quoti-  
die prodest. *Ambr.*

## DIES XIX.

## De Lumine Gratiae.

## I.

**G**ratia est Lumen, quod Deus nobis ac-  
cedit, ad mentem nostram illustran-  
dam, & tenebras, quas peccatum in ea  
diffundit, expellendas. Cum JESUS  
Christus principium sit Gratiae, Pater lu-  
minum appellatur, vel potius Lumen  
ipsum. *Ego sum Lux mundi.* Gratia est  
participatio luminis istius increati, & ra-  
dius quidam ex hoc justitiae sole proge-  
diens. Effectus luminis corporei mira-  
biliter nobis exprimunt effectus hujus lu-  
minis spiritualis. Lumen noctis tenebras  
dissipat; Gratia dissipat tenebras peccati.  
Quicunque in tenebris ambulat, in peri-  
culo

culo versatur singulis momentis cadendi, December.  
vel errandi. Quicunque lumine gratiae il-  
lustratus non est, nullum ferè gressum mo-  
vet, qui lapsus non sit. Si toties cadis,  
si toties aberras, inde provenit, quod du-  
cem non habeas gratiam. Aliquoties lu-  
men gratiae fulguris instar transit, neque  
tamen magnos progignere effectus inter-  
mittit: *Illuxerunt coruscationes tuæ orbi* Psalm. 76.  
*terræ.* Tale lumen fuit, quod S. Paulum v. 19.  
circumdedidit, & ad Christi agnitionem  
perduxit: *Circumsulxit eum lux.* Aliquo-  
ties hoc lumen constantius est: quale fuit  
illud, quod Magis apparuit, eosque ad  
Christum perduxit. Ah! quories con-  
tigit, ut lumen gratiae te illuminaret, &  
urgeret? & quoties ei restitisti?

II. DEUS aliquoties ipsem & solus  
derekente, hoc lumen, cum nihil minus  
cogitatur, profert, quin aliquo utatur  
objecto. *Spiritus DEI,* inquit Servator, Joan. 3. 8.  
*spirat, ubi vult;* & nescitis, unde veniat, &  
quod vadat. Aliquoties hoc lumen venit,  
occasione boni alicujus exempli, unius  
sententiae in concione aliqua perceptae, à  
casu quodam adverso, qui alteri cuiquam  
contigit, à salutari quadam afflictione,  
quam Deus nobis immisit. Quories ob-  
venere tibi hujusmodi gratiae, & quoties

T  
eas

Décember. eas neglexisti , vel etiam contempsisti ? Hoc lumen plerumque nobis conceditur, quia illud petimus ; nec id acciperemus, si non peteremus. Ah ! possemusne hoc nimirū petere ? Deus aliquoties id nobis impertit , cùm id non quærimus , imò tunc , cùm fugimus. Si hoc lumen me non quæsiſſer , cùm id fugerem , vénifſetne , mi Deus , mihi in mentem , ut ad te me converterem ? Hoc lumen aliquoties novas nobis veritates aperit : talis est illa, quæ magnos peccatores ad bonam frugem reduxit , qui his perversitatibus immerſi non erant , nisi , quia in grandi veritatum salutem ſpectantium ignorantia vitam trāduxēre. Aliquoties veritates iſtas clariſ nobis proponit , ut majori in nos vi polleant , & hominem ad virtutem impellant , qni eas quidem cognoverat , nec tam penetrārat.

III. Hoc lumen gratiæ , ſimul ac nobis certa quædam objecta detegit , alia eorum nobis abscondit ; quemadmodum ſtellæ , quæ dum nobis pulchritudines cœli oſtent , terræ venustatem nobis occultare videntur. Sic lumen hoc gratiæ , eo ipſo tempore , quo nobis ob mentis oculos ponit ingentia commoda , quæ in virtutis via occurrunt , abscondere nobis , vel certe

im-

impedire videtur, quò minus attendamus December,  
ad difficultates, quæ exercitio virtutis  
sociatæ sunt. Hoc menti nostræ quæ-  
dam objecta, veluti magna, alia, ut mo-  
dica proponit. Hoc nobis monstrat sub-  
limitatem Dei, & eorum, quæ ad De-  
um referuntur, rerum nempe non visibi-  
lium, & æternarum. Hoc efficit, ut o-  
mnia ista magna nobis videantur, & ut  
nihil præter hæc magni à nobis æstimerur.  
E contrario alia imminuit, ut mundum,  
eius bona, voluptates, honores; facit-  
que, ut hæc omnia nobis modicum quid  
esse credantur. Id, quod mundus ma-  
gnum esse sibi persuadet, homini, cuī  
hoc lumen fulget, nihil est. Si mundū  
sublimitates te fascinant, & mentis ocu-  
los perstringunt, inde oritur, quòd hoc  
lumine non illustreris; non quòd id tibī  
non luxerit, sed quòd oculos eidem oc-  
cluseris, ne ab eo illuminareris.

Frequenter à Deo pete cum cœco illo Evan-  
gelico: Domine, ut rideam: illumina me di-  
vinis tuis luminibus.

Lux venit in mundum; & dilexerunt  
homines magis tenebras, quam lucem.  
*Joh. 3. 19.*

T 2

Deus

December.

Deus est lumen, & sine illo tenebrae:  
si ab illo recesseris, in tuis tenebris perma-  
nebis; si accesseris, non de tuo lucebis.  
*Augustin.*

## DIES XX.

De Ratione Casus Adversos  
recte sufferendi.

## I.

**A**Dversa pati malum non est, cum;  
Servator noster asseveret, beatos esse,  
qui ea patiuntur; sed grande malum est  
ea non bene pati. Non est malum, cru-  
cibus onerari, cum ad crucem portandam  
Christus nos obliget; sed ingens malum  
est, crucis non patienter perferrere. Cru-  
ces sunt thesaurus ille Evangelicus, sed  
thesaurus absconditus, quem pauci ho-  
mines inveniunt; vel potius, quem to-  
tus mundus invenit; quis enim est, qui  
crucibus careat? sed eorum pauci fructum  
ex eis percipiunt; quod eorum pretium  
ignorent. In cruce, inquit vir quidam  
Sanctus, invenitur salus, in cruce vita, in  
cruce protectio ab hostibus, in cruce infuso  
superna suavitatis, in cruce robur mentis, in  
cruce

*Imit. Chri-  
stil. 2. c. 12.*